



近代中國史料叢刊三編第三十九輯  
沈雲龍主編

撫  
粵  
政  
略

李士楨撰

卷一—三

文海出版社

有限公司  
印行

撫  
粵  
政  
畧

寔政錄序

中丞李公為都昌望族世有隱  
德我

朝定鼎燕 都公為從

龍碩彥厯陟顯仕宦蹟不可枚舉

游晉使相關府豫章旋撫南越  
治行卓卓擬之李西平之六遷  
大鎮柳仲郢之屢易外藩何多  
讓焉余與公同邀

寵遇五年三調深懼

隆命之不易按洪之明歲建昌守

以

中丞舊屬不忘舊德念公之寔  
政不忍湮沒無傳欲鋟版而廣  
之請叙於余余閱之而欣然慕

戚然感焉公為余同里戚屬聞  
達最早着節鉞先鞭余厯數十  
餘年後得復步公之後塵拊循  
是地私心竊喜獨不能以公已  
厯之成蹟面訂而酌行之庶幾

效于昔者可復做於今焉徒執  
遺編歎歎太息嘆古今人之不  
相及益不能忘情于已往焉其  
現任蘇州織造府旭東為公冢  
嗣器識文苑與公後先他亦世

濟其美通駿家聲皆公之善政  
有以啟之也建郡高守諄諄故  
舊可以風矣爰是弁言于簡首  
巡撫江西等處地方兼理軍務  
都察院右副都御史加五級年

家眷弟張志棟再拜謹序



撫江政畧卷一

都昌李士楨毅可父著

奏疏  
符檄

恭報入境日期疏

題爲恭報微臣入境到任日期仰謝

天恩事竊照臣一介豎儒多年外吏荷蒙

皇上知遇殊恩歷任臬藩未著旬宣之效濫叨內轉虛點

鵷鷺之班何期

皇上異數洊加

特簡江西巡撫臣聞

命自天措躬無地復准部文因江省鄉試期近令速赴任

料理臣祇遵

成命戒裝就道謹于康熙二十年七月十三日自浙江省

啓行晝夜兼程于本月二十五日至江西廣信府接

准護理巡撫事務江西布政司布政使司王日藻移

文差委九江府同知李作楫撫標中軍遊擊楊名賚

捧

欽頒巡撫江西關防一顆

王命旂牌八面副并書吏文卷到臣臣隨恭設香案望

闕叩頭謝

恩開印訖伏念微臣庸瑣下材謬膺鉅任惟有躬親庶政

心遍遐陬爲

皇上撫摩殘黎培養元氣以仰報

洪恩于萬一耳其地方應興應革事宜容臣悉心體訪次

第八

告見之施行所有入境到任受事日期臣謹恭疏題  
報伏乞

皇上睿鑒勅部查照施行

康熙二十年七月

日

新任 欽部事件展限疏

題爲微臣受事方新謹循例請展

欽部事件限期事竊臣奉

命巡撫江右于康熙二十年七月二十五日至廣信府入

境受事業經具疏奏

報在案隨即兼程于八月初二日至省入署于初六日入

場監臨本月二十四日事竣出場所有臣衙門奉行

欽案部件有前任撫臣安 暨護理院務布政使臣王

任內奉到事件今據司道詳報到臣者尙須詳

慎駁查明白未敢草率咨

題亦有未據詳報到臣者一面行催但幅幘遼濶來往  
需時勢難照依前限完結查各省督撫新任原有具  
題展限之例合請

皇上俯允

勅部將一應

欽部案件概准展限以臣出關之日爲始容臣次第完結

庶免遠限之愆皆荷

皇上浩蕩弘慈也臣謹疏

題明伏乞

皇上睿鑒勅部議覆施行

康熙二十年八月

日